

KERATAN AKHBAR

TARIKH : 17 JANUARI 2023
AKHBAR : BERITA HARIAN
MUKA SURAT : 4

8.7 juta B40 terima bantuan tunai bermula hari ini

8.7 juta B40 terima bantuan tunai bermula hari ini

PUTRAJAYA – Seramai 8.7 juta golongan B40 akan menerima bantuan tunai RM300 dan RM100 di bawah Sumbangan Tunai Rahmah (STR) membabitkan peruntukan sebanyak RM1.67 bilion secara berperingkat bermula hari ini.

STR merupakan program bantuan yang dijenamakan semula daripada Bantuan Keluarga Malaysia.

Perdana Menteri, Datuk Seri Anwar Ibrahim berkata, pihaknya memutuskan STR Fasa 1 untuk golongan B40 diawalkan kepada Januari berbanding Mac bagi meringankan beban sara hidup rakyat.

"Pembayaran STR Fasa 1 kepada 8.7 juta golongan B40 bernilai RM1.67 bilion akan dikreditkan ke

dalam akaun bank penerima yang berdaftar di dalam pangkalan data STR secara berperingkat mulai 17 Januari 2023.

"Ia melibatkan seramai 4 juta isi rumah dengan kadar bayaran STR Fasa 1 sebanyak RM300 selain 1.2 juta warga emas tiada pasangan (RM100) dan 3.5 juta penerima bujang yang akan memperoleh sebanyak RM100," katanya di sini semalam.

Menurutnya, penerima STR di kawasan pedalaman termasuk Sabah dan Sarawak yang mempunyai akaun bank atau sebaliknya akan turut menerima pembayaran pada tarikh sama.

"Penerima STR yang tiada akaun bank juga boleh tunalkan wang di cawangan Bank Sim-

panan Nasional mulai 17 Januari selain semakan status pembayaran akan dibuka pada tarikh yang sama," katanya.

Sementara itu, bercakap tentang penjenamaan STR, Anwar berkata, Kerajaan Perpaduan sentiasa menekankan pendekatan rahmah dalam membela nasib rakyat susah terutamanya golongan rentan.

"Selaras dengan itu, kerajaan telah memperkenalkan konsep Payung Rahmah sebagai induk kepada inisiatif-inisiatif membantu golongan kurang berkemampuan dalam mendepani cabaran kos sara hidup.

"Maka, program bantuan untuk B40 dijenamakan dan akan terus ditambah baik," jelasnya.



GOLONGAN B40 boleh menyamak status bantuan tunai mereka bermula hari ini. – GAMBAR HIASAN